

Uekera

Ana nutibeeba te I-Kiribati

Nambwa 30 Kaabong 27 Turai 2017 1.00

TAOTIN TRADING

PRICE MATCH

WE WILL MATCH THE BEST PRICES ON PRODUCTS

CALL NOW 22555
footinkiribati@gmail.com

E a koro 50 ana ririki MTC



Te karinerine ni irakean buraekin Kiribati n tain rungaan ana ka-50 n ririki MTC

E MOAN BUNGIAKI aia kuura n reirei kaimoa ae te Marine Training Center (MTC) man te kanganga teuana are e riki ni marawan Kiribati are e irekereke ma karekean buokan temanna kaimoan ana kaibuke te kambwana mai Tiaman ae te Hamburg Sud irouia taan akawa mai Kiribati.

Bon iaon kawaina te
Reitana n iteraniba 2

Te tiaka ae e kanakonano, e kamimi ao ni kabononano naba

“TIAKI TE MWAAKA bwa te tiaka...ao e nako man te iango ao te wanawana”.....ma n tokin te tai ao a taku taan mataku bwa e a bure toron te wanawanana.

Eng, kanoan te mamarooro ngkai are e a manga rangi n taona aon Tarawa Teinainano ma Betio, imwiin karaoan te kamataku n te tiaka, n tairikin te Moanibong n te wiiki aei, n te Sport



Reitana n iteraniba 13

Kiingin te atatai bon te wareware n taai nako

E a koro 50 ana ririki MTC

kaibuke aio ni bakatekea te ekuetoa (equator) ibukin kakaean buokan temanna ana kaimoa are e ikoaki, mai irouia bwaai n taetae ake a kona n reke n te tai anne. Akea te bwai n taetae ae kaekaa ana bubuti te kaibuke aio ma bon tii Kiribati ae e kaeka ao ni kanakoia taan akawa iaon waaia ae tii onoua te buuti abwakina ao iraua te buuti rietana bwa a na nako n anaa te kaimoa ae e ikoaki aio man te kaibuke ao n uotiarake nakon te aba, n akea te kanganga, ibukin kakaean buokana n te onaoraki iaon Tarawa.

Man te bwai ae e riki aio are e a karioa naba iai te iango ibukin karaoan te kataneiai ao



A tuoaki ataein MTC iroun Beretitenti Taneti Maamau.

kammwakuraia I-Kiribati ma I-Ereti (I-Tuvalu) bwa kaimoa aika a bane aroia rinanon te waaki ni kataneiai are e a riki matana n 1967 ngke e a kateaki te reirei ni kaimoa ae 'Colonial Marine Training

School' (CMMTS) imwin nakoraoin te maroro are e karaoaki imarenan Ana Tautaeke ni Korone Buritan ao kambwana aika te 'Hamburg Sud' ao te 'Swire Shipping Company' ike e a

moan waakinaki naba iai te moan kooti ae angaun ma niiman kaaina, aika I-Kiribati ao I-Tuvalu.

N aron ae e kakoauaki ao e a tia te MTC n rang ni korakora ana ibuobuoki ibukin karekean te

mwakuri are e a tia n uarokoa Kiribati bwa te aba ae e marurung ao n toronibwai n taai aikai.

Rinanon ana waaki MTC, ao e a tia Kiribati n riki bwa tii ngaia ngkai te aba ae e a tia ni kakoroi ana babaire te botaki ae te International Maritime Organization (IMO) ao ni mena ngkai arana n ana 'White List' te IMO ibukin tuan te aonnaba n te kataneiai ao te tararua ibukia kaimoa ke te 'International Convention on the Standards of Training, Certification and Watch-keeping for Seafarers (STCW).

N 23 n Turai 2017, ao e a katekeraoa

Reitana n iteraniba 7

Ana ururing rikaaki temanna ana moan Instructor MTC



Tabeman mai buakoia ana iruwa MTC aika a rine, Christoph Gessner ao John Simpson

IBUAKOIA TAAN MARORO ni kikiin-rangia rianakon ana mwakuri aia kuura ni kataneiai kaimoan Kiribati ae te MTC n tain ana ka-50 n ririki bon temanna mai buakoia moan 'instructors' ke taan reirei n te kuura aio, ngke moan kateaki n 1967 nakon 1969.

Teuao bon John Simpson (tamnei : atai) ao n aron are e taekinna ao e kaotia bwa bon akea temanna ae e kona ni kabotaua tein ana waaki ni kataneiai ma ana bwai ni kataneiai te CMMTS ngkoa ma te

MTC ae ngkai.

"Kanga bon akea raoi te kabotau ae ko kona n anga ibukina bwa a rang karako ngkoa ara bwai n angareirei.

Ara bwai n angareirei n taai akanne, n aron te katoto teuana, bon kaibuke ni kaako ake a roroko.

Ti kabonganai kaibuke akanne bwa ara umwanreirei (classrooms) ao ti reiakinia ara a t a e i n i m w a n e mwakurian te kaako

Reitana n iteraniba 7

Kinaia booto n unikakin te kaabiti man BTC ao TUC



Te tiambion n te ununiki ane i nuuka, ngke e butimwaea kaniwangana mai iroun Meia Taoaba Kaiea ao Ambatita Wen Cheng - sung



Ana tiambioun TUC ae Beia Maribo ao Meia Taoaba Kaiea

UANGAUN MAI BUAKOIA teububua uangaun ma uoman taan ira buakon ana kaboo n te ununiki ana Aobiti ana Ambatita Taiwan ao

te Taiwan Technical Mission ake a tia n reke kaniwangia imwiin tokin te 2017 South Tarawa Horticulture Competition –

Second season.

E moa kanoan te kaboo aio n Meei 29 ao n toki n 20 – 21 n Turai ao are e a iraki buakona irouia tengaun ma onoman

mai Betio ao te bubua ao onoman man kawan Tarawa Teinainano aika a kakaokoro.

N te anga kaniwanga are e karaoaki n ana aobiti ana Ambatita Taiwan i Bairiki n te Moanibong te wiiki aei ao e oti iai bwa iai uoua karinanin arokaia taan ununiki aikai aika taian kaabiti ake a tuoaki ao ni katineaki rawataia ibukin kakaean te tokanikai.

E taku Nei M w a m w a r a u Kairirieta, ngaia are e ibuobuoki iaon te ununiki n te TTM bwa karinan ni kaabiti aikai bon te CCBL ao te EDRP. Iai teniua rinanin taian kaniwanga bwa iai te mwane, iai bwaai ni mwakuri ao iai naba taian koraa ao turee n ununiki ibukin te kaabiti.

Te Meia n te Kauntira n Teinainano ae Taoaba Kaiea, bon ngaia are e kauka te botaki n anga kaniwanga aio, ao e bon anga ana maroro ni kakaitau nakon Taiwan ibukin nooran k a k a w a k i n kateimatoan te marurung man kaungan unikakin ao kanakin uanikai ma baanikai irouia te botannaomata iaon Tarawa.

E bon kaitauia naba taan ira buakon te kauaaba n te ununiki ibukin teimatoan

nanoia ao aia mwakuri korakora, are a aki tii booia iai ma a bon mabiao naba iai te botannaomata, man tatauraoin amwarake ni kabaeranti, man aia ununiki.

E ngae n anne ao Imwiin ana tutuo te tiim are e kaainaki irouia ana aobitia ana Embati Taiwan, man aobitin te Ununiki ke te MELAD ao ai man TTM ao e a kamatoaki bwa Teuai Arobati, mai Betio, bon ngaia are e uotaanako te rine, ma rawawatan ana kabiti ae te CCBL ae 5.28 kg ao te EDRP ma rawatana ae 6.39kg.

Ana rawawata Teuai Arobati n ana kaabiti aikai, a bon rangi n rianako, tiaki tii ibuakoia raona ni kaboo mai Betio ma bon iaon naba aia rawawata taan kaboo man Teinainano.

Are e kauoman mai Betio bon Biribo Tongabiri, e kateniman Kabuaika Tavita, e kaaman Elisa Tokataake ao e kaniiman bon Ruta Harry.

Man TUC ao iai tengaun ma niman ake a reke kaniwangaia ao are e taua te tokanikai n te rawawata bon Beia Maribo mai Ambo, ma rawawatan ana kaabiti ae te CBBL ae 4.19kg ao te Reitana n iteraniba 6

Bukamaru kauringaan ana ka-40 n ririki Council for World Mission

ENAKON 1,000 kaain Kiribati Uniting Church ake a kaea Blacklock II mwaneaba i Antebuka ibukin irarikin te Taromaui ni Karinerine ibukin koron 40 ana ririki te rabwata ae te Council for World Mission (CWM).

E raka naba aron te Taromaui ni Kauring anne ngkai e bon roko naba iai te Moderator ke te Mataniwi n te CWM ae Rev Darchonhaia Darnei ao temanna ana aobitia, are a bon roko ibukin te kauring aei ao a reitia naba ma aia marooro ma aobitia n ana Etekuata te KUC, ao n raonaki ma te Beretitenti Taneti Maamau ma kaainabana Madam Teiraeng Maamau.

Imwaain waakinan te Taromaui n Nebonebo ao e bon anganaki moa te Beretitenti ana tai ni marooro ike e a kakaitau iai ibukin uringakina ao kaoakin te Tautaeka bwa e na



Te Mataniwi n te CWM, Rev. Darchonhaia Darnei ma Beretitenti Taneti Maamau, Madame Teiraeng Maamau n tain te Taromaui ni Karinerine

riki naba bwa te tia kakoaua kanoan bukamaruaan koron 40 te ririki imwiin moan tein te rabwata ae CWM.

E kabotoa ana marooro te Beretitenti ma ana kibu ni koora CWM n te ririki aei, ao are e a karikia naba bwa te boto ni iango ni kauringaan ana ka-40 n ririki ae Healing the Broken Body – Hope for Renewal.

E taku Beretitenti

Taneti Maamau bwa e rangi kakan te Kibu ni Koora anne ma aron bwaai aika a riki n te aonnaba n te tai aei. E taku bwa e teimatoa ni iai te kanganga nakoia botanaomata n te aonnaba ni ikotaki ma Ekaretia n aron taian bubuaka ao birinakoia aomata mai abaia ke ‘refugees’.

“Iai te aki rau ao te kakamaku n te aonnaba n taai aikai ao iai tabeia bootaki n Ekaretia n te aonnaba (Global

Churches) ni karekea te rau rinanon aia Onimaki,” e taku tabeua kanoan ana marooro te Beretitenti ni kaineti ma te Kibu ni Koora ae Healing the Broken Body – Hope for Renewal.

Anne are e a manga kamatoa CWM Moderator Rev Darchonhaia Darnei n ana kabwarabwara ngke e kotoi kibun te Baibara are e kaota iai kakawakin te nambwa ae 40 ao rekereken te

nambwa anne ma aron te kataaki ke kanganga, ao n raonaki ma te kamaiuaki.

E kaotia are tii kamaoan taian kanganga aika a riki ngkai nakon te aonnaba ke te Ekaretia bon tii man animakinan te Atua.

E bon kaungaia naba Ekaretia nako inanon te CWM, are KUC naba kaaina, bwa a riai ni ibuobuoki ibukin karekean te rau n te aonnaba ao n aia Ekaretia nako ao ni kamanoa te Karikibwai.

Te CWM bon aia bootaki Ekaretia ni Boretetanti n te aonnaba ake a moan bwebwerake man te London Missionary Society (1795), Commonwealth Missionary Society (1836) ao te (English – Presbyterian Board of Missions 1847).

E moan kateaki te botaki aei n 1977.



A mrara anganano nakon MTC n ana ka-50 n ririki

A MRARA T A E K A n i kakabwaia ao n raanga taian anganano ao buoka nakon te Marine Training Centre, n tain bukamaruan koron 50 ana ririki mai irouia tautaeka ao kambwana ni kammwakuri ake a tia n riki bwa raao ni koaua, inanon ririki aika a bati. Ibukin kinaakin rianakon ana waaki te MTC ao e



Karen Murray, man te Tautaeka n Nutiran

a katanoata te Manatia ibukin te Sustainable Development International Development Group, man ana Aobiti Nutiran ibukin Aaba Ianena ao Iokinibwai (MFAT) ae Ms Karen Murray, are e a tei naba ibukin ana

Minitita Nutiran ibukin Aaba Ianena ao Iokinibwai ae Gerry Brownlee, bwa e a manga anga naba ana buoka Nutiran nakon MTC n te mwaiti ae \$2.8 te mirion te mwane n Nutiran ibukin te nimaau n ririki.

Ana buoka Nutiran aio bon i b u k i n k a t e i m a t o a n kanakoraoan ana waaki n reirei

ataein MTC ake a tibwa bane aia tai.

N reitaki ma aio ao e ngae ngke a teimatoa tabeman kaimoan Kiribati ake a mwakuri ni kaibuken Tiaman ao Tiaban ni karaoi anua ma waaki aika a aki raraoi, ma e bon teimatoa naba n rangi ni korakora kainanoakiia ibukin aia mwakuri korakora ao rabakauia n te mwakuri irouia ana kambwana nako te SPMS mai Tiaman ao kambwana n akawa mai Tiaban.

E taku te Managing Partner n te SPMS i Tiaman ao te Managing Director n te Columbus Ship Management – Hamburg Sud ae Christoph Gessner bwa rabakauia ma mwaataia kaimoan Kiribati, e a tia n t o k a r a a n a k o rabakauia ma mwaataia kaimoan Tiaman n ririki aika a nako.

“N taai akanne ao e rang bubura aia reirei kaimoan Kiribati ao bon kaimoa naba aika a rang bane aroia. Imarenan anne ao iai naba kanganga tabeua, n aron manga kerikaakin aia konabwai ma akea au nano uoua ngkai imwin ongoraau irouia kain ana board man ara kaibuke ao ara kaaben are a taku

bwa e a manga moanna ngkai n okira arona rabakauia ao mwaataia kaimoan Kiribati n te mwakuri,” e taku Mr

“Ti a tia naba ni moana ara burokuraem are ti a butimwaaia iai aobitia mai Kiribati ao iai naba ngkai temanna



Managing Partner n SPMS (Tiaman) ao te Managing Director naba n te Columbus Ship Management - Hamburg Sud Christoph Gessner

Gessner.

Tiaki ti ngaia ma e taku naba natin te tia bwaibwai n te kambwana ae te Leonardt & Blumberg ae Frank Leonardt ae Martin Leonardt bwa e rang kukurei te Leonardt ni mwakuri ma kaimoan Kiribati.

“E koaua ae iai aia kanganga kaimoan Kiribati n te manging ao bwaai riki tabeua ma iai naba aekakin kanganga aikai irouia kaimoan Biribin ao Tiaman ma te bwai ae ti a tia ni karekea mai irouia kaimoan Kiribati bwa bon aomata aika a rangi ni marurung, a mwakuri korakora ao aei te anua are e rang tikiraoui ibukia ara kaibuke,” e taku Mr Leonardt.

ara kaaben ae kain Kiribati iaon tewaana ara kaibuke ao ti rang kakatonga irouna. I a tia n toka ma ngaia inanon te maan ae teniua te wiiki ao e rang tikiraoui anuana ao e bon tau raoui ibukin te nakoia aio”.

“N tabetai ao e rang tikiraoui riki nakoia ara kaaben aika I-Tiaman”.

E reitia n taku Frank Leonardt bwa e na teimatoa te Leonardt ni kammwakuria kaimoan Kiribati nakon taai aika a na roko.

“Eng, I taku bwa te rabwata ae te SPMS kanga bon titebo raoui ma te utu ngaia are ti iangoia bwa e rang tikiraoui ae ti

Reitana n iteraniba 10

Roko n tokina ana kauaaba n te ununiki Taiwan

EDRP ae 4.56kg. E kauoman Ata Nuea mai Eita, e kateniman Tanintoa Nikawai mai Ambo, e kaaman Tiotaia Tabuariki mai Ambo naba ao e kaniiman Rubenteiti Torere mai Ambo naba.

Te kaniwanga ibukiia ake a moanna nakon te kaniiman bon te mwane ae \$250 ibukin te moanna, \$200 ibukin te kauoman, \$150 ibukin te kateniman, \$100 ibukin te kaaman ao \$50

ibukin te kaniiman, n raonaki ma kaka teaina aia Folk ke bwain kamarauan aon tano, aia turee ni kabwebwe ao aia koraa. Man te ka-onoman nakon te ka-tengaun, a reke

nakoia aia bwai n tebo-aroka, aia turee ni kabwebwe ao aia koraa ao man te ka-tengaun ma temanna nakon te ka-tengaun ma niiman, a karekea aia turee ni

kabwebwe ao aia koraa. Aio, ai bon te kauoua n raun ni kaboo n te ririki aei. Botan ngkai ana kaboo Taiwan iaon te ununiki are e a tia ni waakinna ai bon 3 bwa 1 n 2016 ao ai 2, n te ririki aei.

Media Release



22 July 2017

Foreign Minister Gerry Brownlee has announced a \$2.8 million boost for the Government of Kiribati's Marine Training Centre.

"Over the last 50 years, Kiribati's Marine Training Centre (MTC) has helped launch the careers of over 4,500 seafarers, fisheries workers and cruise ship staff," Mr Brownlee says.

"New Zealand has worked closely with the Government of Kiribati to help grow the centre from a small training school into an important facility institution that provides a pathway to jobs and prosperity for young i-Kiribati.

"On the 50th anniversary of the Kiribati MTC, we are announcing new support to improve the curriculum, train management and support staff, maintain the high quality of MTC facilities and infrastructure, and enhance marketing to help match MTC graduates to jobs.

"About half of the \$2.8 million will be funding assistance and the other half will be provided as technical assistance," Mr Brownlee says.

MTC graduates have been essential to the Kiribati economy, and their remittances are still an important source of income for communities across the country.

Ana ururing rikaaki temanna ana moan Instructor MTC

(cargo operations) n iкотaki ma katokaan ao karuoan kaako (stevedoring) ni kaibuken abatera tabeua ake a roko, ma n taai akekei ao e rang karako mwaitin kaibuke n roroko, tao tii uowaa ke teniwaa n teuana te ririki, ao e rang kuri kangnaga rereken te aekaki anne,” e taku John Simpson.

E reitia n taku John bwa n te tai aio ao a rang kamimi

bwaai ni kataneiaia.

“A reke ami bwai ni kataneiaia aika a rang toamau ao n roko ni karinanin te aonnaba (world-class) ao anne ae e rang tikiraoui. Kamwa mena naba ngkai n ana ‘White List’ te IMO ao anne are e rangi ni kakawaki ibukin te STCW n te kareke bebwa ao te kataneiaia ao e riai ni kateimatoaki

aio.

Ngaia are a bon rang tikiraoui ngkai bwai ni kataneiaia n te MTC. E a reke ami tabo n reirei ibukin te tiriaia (fire school), mitiin ni kataneiaia (simulators), umwanreirei aika a mwaiti ao n tibwa tia naba ni kaukaki ami tabo n tangoboki (library) ae e boou iroun ana Tia Tei Tiaman nakon Kiribati”, kabanean ana maroro Mr. Simpson



John Simpson, temanna ngaia naba mai buakoia taan reirei ake a katabwena MTC

E a koro 50 ana ririki MTC

koron 50 ana ririki te MTC imwin moan kateakina n ana kambwaun i Betio are e kakoauaki naba iroun Kautun Kiribati ae Beretitenti Taneti Maamau ao iruwa ake a roko mai Engiran, Tiaman, Nutiran ao Tiaban, bwakuakun te tautaeaka ao a mwaiti riki.

N ana maroro Beretitenti Maamau are e anga ao e karabwa te tautaeaka n Nutiran ibukin ana buoka ae e ware mirion are e a tia ni kabwaroa nakon te MTC ibukin uarokoan ana waaki ni kataneiaia nakon te mwaneke are e kinaaki n te aonnaba ao riki karekean te rabakau n te mwakuri i taari are e na tobwaa raoui kainanoia kambwana ni kaibuke, karikirakean



E a nako rabunan te kanuringa ibukin koron 50 ana ririki MTC

aia konabwai taan reirei n te MTC ao karaoan ana tabo n reirei ma ana bwai ni kataneiaia te MTC aika a boou ae akea aekakiia.

E a kaman anganga ana boutoka Nutiran nakon te MTC man 1983 ao ngaia ngkai (te MTC) ana kabanea n

abwabwaki ni buoka Nutiran ae e teimatoa ni karokoa te tai aei.

E taku te Manatia ibukin te Sustainable Development International Development Group, man ana Aobiti Nutiran ibukin Aba Ianena ao Iokinibwai (MFAT) ae Ms Karen Murray bwa e tii kakabwaroa ana buoka Nutiran nakon te

tabo are e na kona noraki mwiina ao kateimatoan ana buoka nakon MTC, e a tia n rang korakora mwiina ae e tamaroa nakon Kiribati.

“N te kamatebwai are ti karaoia n 2014 ao e oti bwa e a tia te MTC n rangi n ibuobuoki ni karikirakea kaubwain te aba ao n uota naba te maiuraoui nakoia kain

Kiribati n itera aika a kakaokoro – n aron karikirakean te rabakau ao kinaakiia ara aomata n te aonnaba, te kaoki mwane ibukia utu ao karekeiaia taan mwakuri i taari ibukin te tautaeaka ao kambwana ke bitineti i Kiribati,” e taku Ms Murray.

“Ti rangi ni kakatonga n te rikirake ao te bitaki are e a tia n rinanona MTC man te tai are e moan kateaki iai 50 te ririki n nako, te banna ae akea n ai arona, are e a reitia te botannaomata ao bitineti rinanon te tabo ni kataneiaia ae e kinaaki n te aonnaba are e anganga te rikirake ao te kabwaia nakoia kain Kiribati”.

Te karuanikai i 'kaishiko forest'

Mwakoro 30

..... Alice e a rang kainnana n tataningaia ai ngaia are e a manga butii oneana ao man tii buranna ao ni ngakenna ao man otinako naba n tebotebo ian te karau. "Alice, tai kamaaniko ian te karau bwa rimwi ko na aoraki ao manga bon te bwai teuana ae e na riki. Akea kanoan ana iango Alice ma tii te kukurei ae e a bon rang kamimii, ma teuare Michael bon te k a k a b u b u r a a taningana ma ana taratara bwa e bon tuai raoi ataia bwa a mano ikai ke a kangaa. Imwin aia tebotebo ian te karau ao a rinnako ao ni matuunako inanon aia tent arei. A bon matuu naba ni karokoa ae e a namakinaaba Alice bwa iai te bwai ae e buki man te tabo ae e aki rang raroa ma ngaia. E kauta Michael ao e tuanga te bwai are e ongo, ma e tii kaangai Michael nakoina, "Alice ko mwaninga ae e rang mwaiti te nii ikai?? A teirake ao ni iango otinakoia ni manga karekei naba kanaia man aia onnaroka are a bon rang tira uaaia are titeboo bwa aia aitibwaoki ke aia kabwate n amwarake.

E a bon toki te karau n te tai aio, ma e rang korakora mwaimwain aontano ma te kaaneinei imarenan aroka. A

kawaekoiaa ngkai naakai n rianna nako nakon taian onnaroka n amwarake ao a bon uouotii naba aia rabwa n ran bwa a iangoa ae a na konaa ni manga kanoai riki nimaia ibukin te tairiki ae e a kaan roko. N rokoaia ao a karekei kanaia taian banana, kukambwa, ao ai mwangkoo. Ma ngkanne ngke a roko ni nnen aia mwanibwa n ran, ao ai te kananokaawaki bwa e a onrake n te neinei.

A oki rikaaki ma te nanokaawaki ao e a reke ana iango Michael bwa e nang kakaikoikoi taian ran ake iaon baanikai bwa nimaia te ran. Ai aroia anne ni karokoa ae a bon on raoi aia bwatoro n ran akekei. A oki rikaaki ao e a taku ngkanne Michael nakon Alice, "Neiko, ngkana e mwau raoi aontano ningaabong ao ti a manga iangoa kakaekin nnera teuana ae boou are tao ti nang bon konaa n tiku iai n te tai ae e maan ao ni iangoa naba kateakin riki ara auti man taian kai ngkai taraan ae ti aaki konaa n ataia bwa maanra aron tikura ikai n tataningaa kamaiuakira." Imwin ana maroroo Michael aei, ao Alice ngkanne e a tibwa roko namakinan te nanokaawaki ma te kaantaninga are tao a nang bon tiku n aroia aei ni karokoa tokin maiuia ngkana akea ae e konaa n ataa mwiin te tabo ae a mena iai ngkai.

Ao ngkanne iaon Tiabaan ao e a reke aia

yacht ke aia kaibuke ae e uarereke Taman ma Tinan Alice are a raonaki iai iroun Mr Miller are bon Taman Michael. Kaaro aikai, bon akea aia aatatai ae ngaia natiia a bon uaia ni ikotaki n te aba teuana, ao aia kaantaninga ngkai bwa tao a tia ni mate ibuakoia aomata ake a kuneaki ni wene babaa inanon te mwarua ke tao teuana bwa a teimatoa ni maeka ma te maaku n te buakonikai ae Kaishiko. Imwain mwanangaia ao a nako n ana teuare e na uotiiia nakon te Atimwakoro arei. A baarongai uotaia ake a na uoti, ma teuare ana karo Alice bon iai ana baeki ae abwaabwaki are e a bon mwamwananga naba ma ngaia ao n rang momoanibwaia n taai nako. Neiere tinan Alice e bon rang n tangiria ni iri nakon te Atimwakoro arei ma e tuangaki iroun teuare buuna bwa e na riai n tiku bwa e na konaa ni kakaekia angan buokaia ngkana a raka mwanangaia iaon abong.

A ie nako ana taman Alice ao taman naba Michael ao are a iraki iroun teuare e kabuta aia yacht ni kaea nanging te Atimwakoro are e kakaboobai arei. Inanon mwanangaia anne ngke e nang moanna n raroa ma te aba, ao moan te kubanako ngke a noorii bwaai aia a ria

man te tabo ae e raroa are a ataia bwa kaanga tein taian kaibuke. A tei n tarataraia ao e a reke ana iango Mr Miller are Taman Michael bwa e na ana aia kai ni kataratara bwa e na taraia, ai ngaia are e a moana ana taratara ngkanne rinanon te kai ni kataratara are e oomwaaka ao e a taku nakon taman Alice, "Ao bon nakomai kataratara, bwa nna katiteboo au reke ma ngkoe bwa eti te bae I nooria ke e kaairua." E ana te kai ni kataratara arei taman neiere Alice ao e a katarataraa ao e a rang kubanako ngke e a nooriiia bwa ai ana maniuao Amerika aika 2 ake a tabe n ria ngkai man te Oraitan. A tei ao man mata ni kukurei bwa a ataia bwa e a roko ana buoka Amerika ibukiiia ataiein te reirei mai Amerika ake a bane ngkai n tuai man reke ke n oki rabwataia mai Kaishiko Forest. E a taku ngkanne teuare Miller, "E uara tera te mwaneka are imwiina? Ti na bon reita mwanangara ke ti kangaa?" E tei n aki karongoaa teuare taman Alice ao imwiina e a taku, "Taraan ae e teke nanon te mwananga, ao e riai bwa ti na oki ma ti na tuatua ngkana arona bwa ti konaa ni kairaki ngaira ake tamaia

ataei bwa ti na iriia tautia nakon te Atimwakoro. Bwa I taku bwa ngkana ti a bon mwananga naba ngkai, ao ti na konaa ni kaburea aia taakete are a tia ni iangoia ibukin ewekan aon te Atimwakoro arei." A boraioi ni iango mmwaane aikai ao a oki rikaaki nakon te aba ao man k a k a n t a n i n g a teutana.

Neiere te buu are tinan Alice e rang kukurei ngke a oki ao e tuangia bwa iai taian rongorongo aika a boou man te aobiti, bwa ngaia iaon naba kawaia n roko erikabuta ma wanikiba ni boom mai Amerika ake a na karaoa te boraraoi moa ma te Tautaeka n Tiaban imwaain ae a waaki nakon aerakean aon te Atimwakoro arei. Bon te katauraioi mwaaka ae e korakora irouia tautian Amerika n aron aia boraraoi are a tuatua ngkoa bwa a na konaa n roko ni ibuobuoki ibukiiia aia ataei. E bon aki maan imwiina ao a rurunga wanikiba ma Erikabuta are a bane ni kiba ao n nako n tiku n ana marae ana taanga n tautia Tiaban. A kaai ni maroroo taian mataniwii n taanga

Te karuanikai i 'kaishiko forest'

imwiina e a tia te boraraoi bwa a na mwananga aia kabanea ni bwaakuaku ke aia kabanea ni mwaatai n Tautia n raonaki naba irouia bwa a na toka n te manua are ngaia ae e na kauka te moan nako nakon te Atimwakoro.

N te atimwakoro are a mena iai Alice ma Michael, ao a bon karauia n tekateka ni iango bon ibukiia bwa kaanga a na maanra aron tikua n te Atimwakoro ae a bon aki ataa tabuaiakana aei. A tekateka ni kakaabuingoingoa ao kanaia uanikai ake imataia a bon tiku n tuai kanaki. E taku neiare Alice ngkanne nakon Michael, "Michael, ngkana arona bwa ai bon akea ae e konaa ni kuneira n te tabo aei, ao tera am iango? Ko kukurei n tiku ikai ma nngai n tii ngai n akea riki?" E taraa Alice Michael ao e wiingare ao n taku, "Alice, bon tii ngaira ao ti bon riai n tarauaira bwa bon

akea riki raora ikai, ma iai au namakin bwa e na bon kaanganga rekera ngkai kawaira are ti toua n nakomai, e mena iaan te tano ao iaan tare, are e bon riaon ara wanawana ma ara atatai. Are nanona bwa te atimwakoro aei, bon iai rabwatana ni mwaben te aonnaba ke akea naba. Ma I rang tangiria bwa e na konaa ni manga kaoti raoraom arei nakoim n te mii ke tao ni bon roko n tii kaotia bwa iaara te tabo aei, ao e na kangaa arora n roko I Amerika mai ikai."

Eng, e bon bung te aariki irouia naakai inanon aia tai ni iango imwiin aia maroroo, ao neiare Alice e a roko irouna te nanokaawaki ma te uruuring ni uringakiia ana karo ma tinana ao tarina are e maeka n te aba teuana. Ao teuare Michael e roko naba uringakin tamana ma bwebweena are a tiku naba imwiina ma rimwii riki, ao e a taetae Alice n te bwanaa ni marurung ao ni kukurei ao e taku, "Michael, tai raraoma

ti a katikui kanoan te bong bwa a na bon waaki, ma ngaira, ti na teimatoa ni kamarurungiira ao ni kukurei bwa e a reke abara ae ti bwaibwai iai. Akea ae e konaa ni waeira ao ko bon ataia bwa e rang kaanganga ae e na reke abam ae bubura n aron aei kee..." E rang taraa ni kirei neiare bwa bon oin ana iango e bon iangoia bwa e na aaki bwaabwara nanon Michael ma e na teimatoa ni kukurei bwa a aonga naba ni kukurei n tii ngaiia uoman.

Akea bwa e a bong ao a rinnako inanon aia tent, ao a bon kakaraki teutana imwaain ae a na matuu. E taku Alice, "N taina aei, ao ngai nna bae n online teutana ao n tamnei n au laptop. Aon na tebotebo n te ran ae e abuee.....oh I a rang miss ao warm shower." Ao teuare Michael e taku, "Ao ngai n taina aei, ao nna bae ni kaitiboo ma" e tuai moti ana taeka Michael ao e a un taetae naba Alice

kaanga ni bwanaa ni kokoo ao e taku, "Ko na kaitiboo ma raom te aine? Antai arana? Ao ngkoe ko rang tangiria?" Ai aron e rang kabanea ngaren Michael neiare n ana kaakaraki ake e taekin, ao e kaeka Michael ao n taku, "Neiko, e bon tuai kan moti au karaki ao ai taekan naba te aine. I nanona ae nna kaitiboo ma raoraou ao ti na bae n nakon te bwaa ni mooii teutana, ti na manga nako n toka n te rebwerekewe n raraan ao ni bae ni kaitiboo naba ma tabaman ataeinnaine." E karaki ao ni wiingare bwa e ataia bwa e na bae ni manga taetae naba iai Alice ao e bon eti ana kamakin bwa e a taku Alice, "E uara, e bon eti are e na bae ni iai aine inanon ami waaki. Ko ataia, kam a bon kan aoraki bwa kam rang mamaiu aine ngkoe ma raoraom ni maiubuaka."

E a bon rang baabane ngaren Michael iroun neiare Alice bwa e rang uringa aron neiare ni kakabatiaa ngkoa imwaain mwanangaia nako Tiaban. Ao e tia ao

e taku, "Neiko, ko a bon rang keweia te aba ke, e uara are ko bon rang kakairiribai nakoia ao ngkai ko a rang kababaai bwa angkoa ngkanne ko a aera?" E bon tuai raoti moti ana manikangare teuare ai e taku naba Alice, "Michael, I tangiriko ngai, ko riai n ataia bwa I tangiriko." E taetae Alice ao e bitaki tein bwanaana man te manikangare nakon te taua n nano, n te aro are e aaki kakarongoa Michael. E kuri kabi bwa tera ae e na taekinna, ngkai e ataia bwa e tata buroona n tangin bwanaan Alice are e a bon tibwa kaotinakoa raoti mai wiina ao mai inanona bwa e tangiria. E rairaki ni kaititaraa Alice teuare Michael ao man katika neiare ni konna ao ni mwanokaia raoti, ao e taku, "Alice, ko bon koaua bwa ko bon tangiria raoti?" E katoutoua atuuna Alice ao teuare Michael ngkanne e a bon rang kaotia nakon Alice bwa

Reitana n te wiiki ae na roko

N iteraniba 2 n Te Uekera are e otinako n te wiiki ae nako ao e toka iai rongorongon Kaukan te Health Clinic are e mwanena kateana Aotiteria.

N te rongorongon anne ao e oti iai mwaitin te mwane ae \$1,500.00, are aongkoa bwa e anga Aotiteria ibukin te karikirake aei.

E karautaka Te Uekera bwa e kairua te ware anne ao etin raoti te mwaiti are e anga Aotiteria bon \$150,000.00.

E karautaeka riki Te Uekera nakon ana Aobiti Aotiteria ibukin te kairua aio.

A mrara anganano nakon MTC n ana ka-50 n ririki

kabanemwane ibukia kaimoan Kiribati ibukina bwa, n aron are I a tia n taekinna, bon kaimoa aika a rang tikiraoui ao I taku bwa nakon taai aika a na roko ao e na rang tikiraoui ngkana ti teimatoa ni kammwakuria kaimoan Kiribati n ara kaibuke”, e taku Frank Leonardt.

E bon reke naba ana tai te Beretitenti n te kambwana n akawa mai Tiaban ae te Japan Marine Services (JMA) ae Mr Shigeru Kinoshita ni katekeraoa te tautaeka ni Kiribati ao tekoraki ake a tia n irekereke ma kateakin te MTC, 50 te ririki n nako.

“Rinanon ana tai n tei te MTC ao e a tia naba ni bunggiaki mai iai te kuura ni kataneiai ibukia taan akawa ke te Fisheries Training Cener ao n tia ni manga karababa nako waaki ni kammwakuri nakoia ataeninimwanen Kiribati bwa a na mwakuri n ana kaibuke n akawa Tiaban,” e taku Mr Kinoshita.

“A rangi ni mwakuri korakora taan akawa mai

Kiribati ao a bane n oota ao n ataa aio taan bwaibwai ni kabane n ana kaibuke n akawa nako Tiaban”.

“E ngae n anne ao a tiraua naba ara ataeninimwane aika a tia

kanganga ma aia utu ao aei are e a tia n urua aroia ao ni k a b a r e k a r e k a taraakiia taan akawa mai Kiribati irouia taan bwaibwai”.

E taku teuaio bwa

akawa mai Kiribati bwa e karekea te buoka ao te boutoka bon nakon te tia akawa, ana utu ao kain mwengana.

“Aio bukina ae e teimatoa ni mwakuri mwaaka te JMS ma

Kiribati bwa a na mwakuri iaon kaibuke n akawa i Tiaban nakon mwaneka are e kantaningaki”.

E korakora ana boutoka te JMS



Frank Leonardt - e onea mwiin tamana man aia kambwana ae te Leonardt, are a mwakuri naba iai ara kaimoa

ni kabaneaki ibukin kabonganakin buaka te manging, uringakiia aia utu (homesickness)

e kakooua te JMS bwa e rangi n i b u o b u o k i kammwakuraia taan



Mr. Shigeru Kinoshita - te Beretitenti n te Japan Marine Services.

ana itabon i Kiribati aika te KEMS ao te CPM ibukin taraakiia raoi ataeninimwane mai

nakon te tautaeka ni Kiribati, ao I kukurei n taekinna bwa teimatoa nanon te JMS ni kan kateimatoa ao ni kakorakora ana boutoka aio, ai ngaia are ngkana ti ikarekebai ao tina kona ni karekei riki mwakuri aika a mwaiti ibukia ataeninimwanen Kiribati n ana kaibuke n akawa Tiaban ao n taabo ni mwakuri riki tabeua,” e taku Mr Kinoshita.





REQUEST FOR PROPOSAL – Compost Demonstration Toilets for Outer Island Projects, Kiribati RFP 17/061

The Pacific Community (SPC) would like to invite interested companies to submit a comprehensive proposal for the provision of hardware to construct compost demonstration toilets.

This Request for Proposal (RFP) covers compost toilets to be installed in 31 villages on six of the islands of the Gilbert Group. The tender process and evaluation will be undertaken in accordance with SPC's Procurement Policy.

A copy of the 'Request for Proposals' (RFP) can be downloaded from the SPC website (<http://www.spc.int/>) under procurement notices or picked up from the Office Manager – Joselyne Mote – at the Republic of Kiribati Ministry of Public of Works office in Betio. For any additional information or clarification on the RFP, send an e-mail request to procurement@spc.int quoting RFP (17/061) in the subject line. Completed proposals should be emailed to procurement@spc.int with the heading

“RFP (17/061) – Compost Demonstration Toilets for Outer Island Projects, Kiribati”,

or sent by courier to:

Pacific Community (SPC)
Procurement Unit – RFP 17/061
Private Mail Bag
Suva – Fiji

All proposals should reach SPC before 4pm Fiji Time, 18 August 2017.

No submission shall be made or communication undertaken directly with SPC staff on this procurement.



This Programme is Funded by the European Union



REQUEST FOR PROPOSAL – Polyethylene tanks for Sanitation and Water Supply for Outer Island Projects, Kiribati RFP 17/062

The Pacific Community (SPC) would like to invite interested companies to submit a comprehensive proposal for the provision of 1,000L and 10,000L polyethylene tanks.

This Request for Proposal (RFP) covers compost toilets to be installed in 31 villages and reticulated wells and water storage in 28 villages on six of the islands of the Gilbert Group. The tender process and evaluation will be undertaken in accordance with SPC's Procurement Policy.

A copy of the 'Request for Proposals' (RFP) can be downloaded from the SPC website (<http://www.spc.int/>) under procurement notices or picked up from the Office Manager – Joselyne Mote – at the Republic of Kiribati Ministry of Public of Works, Betio. For any additional information or clarification on the RFP, send an e-mail request to procurement@spc.int quoting RFP (17/062) in the subject line. Completed proposals should be emailed to procurement@spc.int with the heading

“RFP (17/061) – Polyethylene tanks for Sanitation and Water Supply for Outer Island Projects, Kiribati”,

or sent by courier to:

Pacific Community (SPC)
Procurement Unit – RFP 17/062
Private Mail Bag
Suva – Fiji

All proposals should reach SPC before 4pm Fiji Time, 18 August 2017.

No submission shall be made or communication undertaken directly with SPC staff on this procurement.



This Programme is Funded by the European Union



KIRIBATI PORTS AUTHORITY

EXPRESSION OF INTEREST

The Kiribati Ports Authority (KPA) is pleased to invite Expression of Interest (EOI) from local Contractors who are interested to carry out and work under the contract (WUC) for KPA's project of Rehabilitation of container terminal yard.

Request for Quotation and full details of the project and scope of the work can be obtained from KPA office in Betio including the followings; -

- i. Specification,
- ii. Technical drawings,
- iii. Bill of Quantities,
- iv. Form of Quotation, and
- v. Draft Form of Contract.

EOIs will be accepted from Friday, 28 July 2017, to end of business of **Friday 1st September 2017.**

For more information, please contact KPA office on 26972, 26973 or liaise with Project Administrator via email ttiante@gmail.com or gm@kpa.com.ki

CEO, Kiribati Ports Authority

Te tiaka ae e kanakonano, e kamimi ao ni kabononano naba

Complex i Betio.

E bati te aki rau n nano irouia naake a roko ni kan kakooua ana tiaka teteeinimwaane ae Ten Takanebo are e karaoaki ni moa man moantairikin te Moanibong, 24 bongin Tuurai, ao n toki tao nakon 9 n te tairiki.

A bon mwaiti kakaokoron nako tiaka te mwaane aio ake a bon kamimi naba, ma n aron ana tiaka are e a karaoia bwa ana kabanea ni kamataku are e a bon riaon te kantaninga, e a manga bon reke bwa bwainingareana n te kabanea n tai, ao e a bitaki tein te kamimi ma e bon koaua nakon te kabononano ao te bwai ni ngare.

Ibuakon kanoan waan te tia tiaka aio ake e a kamatakuia iai e riaon 100 taan matakau bon bitakin ranin te moimoto nakon te coke, kamwanuuan te 50 n tianti imwiin kakibarakeana ao ukakina, e bitii naba tenibaa baan te non nakon tebaana te \$10.00 ao uabaa te \$20.00 ao ai karotona are onikakin temanna te ataenimwane nakon te man ae te katamwa ao manga kaokakina nakon rabwatana n aaomata ao ai kaurarakean rabwatan te tia tiaka aio inanon teuana te bwaoki ni mate, are ai bon kabanean ana kanoa n te tairiki arei.



Aio te ataei (mai moa) are e onikaki nakon te katamwa ao ni manga kaokaki nakon rabwatana n aomata.

E mabu te noo ao iai ake a ure wiia ao ni miiroaroa ao ni maaku naba imwiin nooran ana kakai te rorong a aio, riki n ana kamataku are e a onika rabwatan te aomata ae te mwane nakon te man ae te katamwa.

“E koaua aio,?” aia titiraki aomata are e tabe ni beroroakinaki iaon te stadium. E bane n uunaki te teei ni mwaane are e onikaki rabwatana nakon te katamwa, ao e titirakinaki ana namakin ngke aongkoa bwa e a riki ngaia bwa te katamwa. Ma e aki anga ana rongorongo teteeinimwaane aio bwa e taku bwa e a bon minotaki ana iango imwiin te bwai are e karaoaki nakoina ao e a waekoa ni kainnanao te Panadol.

Ao ngke kanga e a bon roo ao e a waaki Takanebo iaon ana kabanea n tiaka.

N te tai aei, ao e nang kamannanga rabwatana n te aro ae

e na akea naba teutana riina ae e na tiku, ao te kantaninga bwa imwiina ao e na manga okira teina n aomata. Ma imwaain ana kabanea ni kamataku teuao ao e bon anga ana taeka nakoia aomata bwa aio ai bon tibwa te moantai are e nang kamatakuia iai aomata n ana kabanea n tiaka aio, ao n ana maroro ao e bon anga naba ana taeka ni kaboo ngkai bon iai naba te raraoma irouna bwa e na kona ni maeu ke e nang irinakoia ana waaki aio. E bon taonna te tang bwa a kona n nooraki ranin matana ni waanako, ma te kamimi, bwa a mwaiti aeka n namakin ake a rootaki iai taan matakau. Iai ake a nanokawaki ao ni kainabwaabu ao

iai naba ake a ngare ni kamwaererei ngareia.

E a bung te aariki, ngke e a rin teuao inanon te bwaoki ae e abwabwaki ae kanga bon tein te bwaoki ni mate. E buuta ana karinano ao e katea baina ni kaboo imwaain wenena. Ngke e a rin raoi inanon bwaokina arei, ao e a uotaki rikaaki ni karuoaki nako aontano ao man rokanaki matan ana bwaoki arei n taian neera. E a bon roko ni kananobuina ao ni kakamatakuna te tiaka aio ngke a anaaki taian rin ake a mwau ao a kauraaki. E kauraaki te bwaoki are e wene inanona te rorong a aio ao e a rikirake te bue.

E tiku ni mannang n akea rabwatana te bwaoki. E bon kuri n anaa te itera n aoa tataningaa te bwai are e na riki imwiina are aongkoa e na manga kaoti teuao mai ibuakon te mannang. Ma imwiin te tataningaa e e maan ao e roko te bwarannano irouia aomata, ao te

nibwaunuun bwa kanga tera ngkai ae e a kataia ni karaoaki, ao e angaa rabwatan teuare e tiaka ngkai, e reke maeuna ke e a iraanako ana tiaka aio?.

E a tiri weweteaki teuao n arana are 7 Magic bwa e nang kaota rabwatana

E a bon ooia ae e a kaan itera 9 ao bon akea naba te bwai teuana ae e a tia n riki. E anga ana taeka te MC ni karautaeka nakoia aomata bwa e a roko n tokina te kamataku bwa ngaia tao e a iraanako ana tiaka 7 Magic. E a uamaenako te aomata ma te aki rau n nano Ma inanon te uamae ao bon iai naba tabeman ake a nako n neweabaa ana tabo n tiaka teuao are aogkoa e a aranaki bwa ana stage. A ietii aan taian ooning ao n ukeuke nako bwa ai iangoan reken teuao bwa n aia k a a n t a n i n g a tabeman ao e bon aki mate teuao ma e karabaa rabwatana.

N te kabanea ni miniti, ao ngaia e a reke rabwatana ni wene iaan kanga te taibora teuana ae e rokirokiikiaki naba n te kunikai ae e buruuroo.

E bwara te nano

Kuneaki bwariko ni maange aika plastic ni marawan te Betebeke

E A TIA ni kuneaki te bwariko ni maange ae taian plastic ni marawan te Betebeke Maiaki, are a beibeti ni bobotaki kanga ai aron taraan te tabo teuana ae e bubura riki nakon te aba ae Greenland.



Aio buburan ao matentenin taian maange ake e angii ibuakona bon plastic, ake a beti imarenan Easter Island ao Robinson Crusoe Island.

E oti n te riiboti bwa angiin taian maange aikai, a bon roko mai Nutiran.

E kuneaki te bwariko ni maangae aio irouia kaain te tiim are a kakaraoa aia kakae i marawa, are e kairaki iroun Captain Charles Moore.

E a tia Moore ni kabanea 180 te bong

i taari ni kakaea tokin raoi ke buburan te tabo are e a betirua iai maangae aikai inanon marawa, imarenan aaba aika Easter Island ao Robinson Crusoe Island. Bon 2.5 te mirion te square-kilimetre buburan te tabo are a beti iai maange aikai.

E taku Mr. Moore bwa

e bon rangi ni bubura te tabo aio ao e bon rangi ni baarekareka ao ni kananokawaki.

E tuai n otinako mwiiin te kamatebwai ma e taku Moore bwa te kamaangeange ke kabarekareka an marawa ae e nooria aio, e bon rangi ni

buakaka ke ni korakora riki, ni kabootauaki ma are e nooria naba n te North Atlantic, 10 te riiki n nako

E moana ana borau Moore ma kaain ana tiim n Nobembwa ao n tia ngkai n roko n tokina, i California.

E taku bwa karaoan te kakae iaon aio ni marawan te Betebeke, e a tia n aki mwannanoaki ni ririki aika a nako, ibukin tionakoa ao ibukin naba aki taun bwaai aika a kainnanaoaki

Katuaeaki 4 kaibuke iroun te Botaki n akawa i Indonesia

AWAA KAIBUKE AKE a tia n tauaki taekai ke ni kawakinaki iroun te Indonesia's Maritime and Fisheries Affairs Ministry, bwa uowaa kaibuken Malaysia ao uowa kaibuken Vietnam ibukin aia bure n akawa inanon marawan Indonesia n akea te kariai.

A riki ni kabureaki kaibuke aikai mai mwiiin noraia n akawa n akea te kariai ao ni kabonganan bwaai n

akawa aika aki uki kakamanenaakia inanon marawan Indonesia.

N norakin te kaibuke ake mai Malaysia n akawa i nanon marawan Indonesia ae e aranaki bwa Malacca Strait ao e a bon atikaki naba iroun ana booti Indonesia ae te Hiu 12 Patrol Boat. Ao ikai ao a bon bane naba ni kabureaki kaina ake bon kaain Indonesia.

E ngae n anne ao te booti are e tau i kaibuke ae te BD 96743TS ma 15

kaaina taian Vietnam n raonaki naba ma te Kaibuke are KNF 7825 MV ma kaina naba ae 14 taian I Vietnam e tia ni karokoiia kaibuke aikai bwa ana kawakinaki i Lampulo Port of Aceh Province ibukin tuoia irouiia ake tabeia te itera aio iaon Indonesia.

E kamatoaki bwa te botaki ni mwakuri are e tararua te itera aei e a tia ni karekea mwaitin te kaibuke ae itingaun ma uawa (72) kaibuke mai abatera, ibukin te akawa n aia marawa n akea te kariaia ao tiaki

tii ngaia ma bon iai naba uangaun ma teniwaa (23) mwaitn kaibuke are a bon tauaki naba man kabureaki ae bon kaibuken Indonesia.

Ao aei te mwaiti are e karekea te tabo ni mwakuri aio inanon moan te ririki aei ni karokoa Turai 24, are a manga tibwa kuneaki iai, aika aawa aikai.



Aio tewaana mai buakoiia awaa kaibuken akawa mai abatera ake a katikaki iroun te Tautaeaka n Indonesia imwiiin uruakan te tua

KATANOATA KATANOATA KATANOATA

KAMOTITI TRADING COMPANY

Tangke aika tauraoi ni kaboo-nakoaki ma aia Stand te Galvenise Pipes ae rietana 3mtrs.

- O/H Tank 500 ltr ana stand Galvanise pipe ae riana 3 mtrs. Boona \$700.00 ao ngkana ko a manga tangira katikan bwaibuna man te Mwanibwa nakon taabo ake ko tangiria bwa e na roko te ran iai, tii 3 mtrs mai iai ae kooa te kambwana ni pay te material nako ia, nikirana ko na pay Te Materials ngkana e nangi n raroa mwanibwana. (Labour Cost \$175.00)
- Te tangke ae 1,500 ltr kanoan ma ana stand G/Pipes 3mtrs rietana \$850.00 ao ake iaona riki e a nakon buburan tangkena ma buburan boon bwaibuna ao iai naba ae a tauraoi n rentnaki ngkana ko tangiria ibukin am Bikiniki, ke am bootaki ke am tabo are ko kaamwarake iai n te boo ae e materaoi, ma e a toki kainanom n te ran bwa e a mena irarikim.
- Ngkana ko nano n te Tangke ae te iraua n riita kanoana, Tarebooniia 730003321 ni kabwanina rongorongona iai.

MEDICINES

- Both male and Females BACKACHE mustaching you once and never happen again with a registration fee \$5.00.
- Cure Female BREAST CANCER with also registration fee \$5.00 for once and it will never happen again.
- RAT DESTRUCTION just pay your registration fee \$7.50 for visiting your destination area and we set and arrange our time to visit your place and to do our job to eliminate rats/mouse and placing our medicines in that area so that they will never come back again

BIG SALE

JAPANESE USED VEHICLES

UP TO 80% OFF!

From US\$ 200
Over 10,000 vehicles in stock

* Freight not included.



www.sbtjapan.com

Easy to buy your dream vehicles directly from Japan

- 1  Select
- 2  Order
- 3  Payment
- 4  Shipment
- 5  Custom Clearance
- 6  Drive

 NISSAN NOTE US\$ 500 ~	 TOYOTA COROLLA US\$ 800 ~	 MERCEDES US\$ 900 ~
 NISSAN X-TRAIL US\$ 800 ~	 TOYOTA HIACE US\$ 1,600 ~	 ISUZU ELF TRUCK US\$ 1,200 ~

Contact me now. I will call you.



kiribati@sbtjapan.com



GLOBAL CAR EXPORTER

Feel free to contact
SBT Co., Ltd.
Yokohama KDX Bldg. 7F, 2-10-36, Kfu-Saiwai,
Nishi-Ku, Yokohama-shi, Kanagawa, Japan

✉ kiribati@sbtjapan.com
 📞 sbtsc
 📞 +81-45-290-9485
 🌐 www.sbtjapan.com

Takakaro ... SPORTS... Takakaro

Korakora ana kakamwakuri Special Olympic Kiribati

E A TIA ni kawara Tarawa n te wiiki ae nako, ana aomata te Special Olympic Asia Pacific are e etekuata i Singapore ibukin karaoan tabena aika a kakawaki ibukin te Special Olympic Kiribati.

N rokon Simon Koh ao e a tia ni waaki ni karaoa ana ibuobuoki nakan ana taibora te Special Olympic Kiribati aika a mwaiti ao teuana mai buakona bon buokan SOK ibukin mwakurian ao kakoroan nanon kinaakina iroun te rabwata n te aonnaba are e tabe ma karikirakean te

takakaro irouia aomata ke koraki ake iai rootakin aia iango - Intellectual Disability People.

Iai ana botaki ni mwakuri te Tautaeaka ake e a tia naba ni kawarii Simon n aron te Botaki n Reirei, te rabwata are e tabe ma te takakaro ao tabeua riki ni ikotaki naba ma botaki n takakaro n aron teuana bon te Kiribati Islands Football Association.

Bon iai naba te workshop ke te maroro n anga reirei are e karaoaki n te Kauabong, ao are e a iraki buakona irouia kaain ana taibora

SOK.

E reke ana tai Simon ni maroroakin ao n tibwauai itera ake a riai ni matata iai taan tararua ao ni waakina taben SOK n raonaki naba ma taan tararua ke ni bairei aron waakinan takakaro ao taan takakaro tabeman.

N ana kabwarabwara Mr. Koh ao e taku bwa oin taben te Special Olympics, e bon kaineti ibukiiia ataei ke aomata ake iai rootakin aia iango ibukin kaotan te

mwannano nakoia ao karinakiia ibuakon te waaki, rinanon te reirei ao te takakaro.

E taku bwa ngkai e a tia ni kinaki Special Olympics Kiribati ao a mwaiti kabwaia ke mabiao ake e nang kona ni karekei ibukin kakoroan nanon ana mission ke katabean te rabwata aio ibukiiia ake a rootaki aia iango.

Ngkai e a kinaaki naba SOK ao e kona ni irii buakon taian kaboo n takakaro ibukiiia ake iai aorakin aia iango.

Aei teuana te mwaneka are e a waaki naba ni kakatauraoi nako iai SOK, ibukin kaeen taian kaboo n

aron are e na karaoaki i Adelaide, Aotiteria n Eberi, te ririki ae na roko, te kaboo naba n te butiboro are e na karaoaki i Biti ao ai te kaboo ae bubura, are e na karaoaki ni Maati 2019.

Ni ngainan te Katenibong ao e reke ana tai Mr. Koh ni kaitibo ma tabeman ataei ake iai rootakin aia iango (Intellectual Disabilities) ao aia utu, n te KNYC Maneaba.



Simon Koh ao te Tia Babaire n te SOK ae Tekeewa Tarati. Aio inanon te KNYC Maneaba ni kaitiboona ma ataei ake iai aorakin aia iango ao aia utu.

Ora ao Iabuti

	Iabuti	Ora
Kanimabong	1826 2.40	0557 2.78
		1222 0.69
Kaonobong	1913 2.31	0023 0.85
	0643 2.67	1308 0.80
Tabati	2001 2.21	0109 0.96
	0728 2.53	1354 0.93
Moanibong	2054 2.11	0157 1.10
	0814 2.37	1442 1.07
Kauabong	2156 2.03	0249 1.24
	0905 2.20	1534 1.19
Katenibong	1437 2.07	2037 1.14
	0216 2.22	0843 1.19
Kaabong	1515 2.13	2112 1.07
	0255 2.32	0920 1.08

Kawain Namwakaina: E na Itibong i Eta nakan te Kaonobong 1 n Aokati 2017.